

Ներդիր-թերթիկ՝ տեղեկատվություն հիվանդի համար
ՄԵԶԻՄ® ՖՈՐՏԵ
լիպազայի 25000 Մ Ph. Eur պատիճներ
աղիներում լուծվող մինի-հաբերով լցված պինդ պատիճներ
փոշի խոզի ենթաստամոքսային գեղձից

Սույն դեղամիջոցը կիրառելուց առաջ ուշադիր ընթերցեք ամբողջ ներդիր-թերթիկը, քանի որ այն պարունակում է Ձեզ համար կարևոր տեղեկատվություն:

Սույն դեղամիջոցը միշտ անհրաժեշտ է ընդունել տվյալ ներդիր-թերթիկում շարադրված կամ բուժող բժշկի կամ դեղատան աշխատակցի ցուցումներին խիստ համապատասխան:

- Պահպանեք ներդիր-թերթիկը: Հնարավոր է անհրաժեշտություն առաջանա այն նորից ընթերցել:
- Եթե Դուք ունեք հարցեր կամ Ձեզ անհրաժեշտ է լրացուցիչ տեղեկատվություն, դիմեք դեղատան աշխատակցին:
- Որևէ կողմնակի ազդեցության առաջացման դեպքում դիմեք բժշկի կամ դեղատան աշխատակցի: Դա վերաբերում է ցանկացած հնարավոր կողմնակի ազդեցության, այդ թվում նրանց, որոնք սույն ներդիր-թերթիկում նկարագրված չեն: Տե՛ս բաժին 4:
- Եթե 7-14 օր հետո ախտանիշերը խորացել են կամ դուք Ձեզ ավելի լավ չեք զգում դիմեք բժշկի:

Սույն ներդիր-թերթիկի բովանդակությունը՝

1. Ի՞նչ է իրենից ներկայացնում ՄԵԶԻՄ® ֆորտե 25000 պատիճներ դեղամիջոցը և ինչի՞ համար է այն օգտագործվում:

2. Ի՞նչ է պետք իմանալ ՄԵԶԻՄ® ֆորտե 25000 պատիճներ դեղամիջոցն ընդունելուց առաջ:

3. Ինչպե՞ս կիրառել ՄԵԶԻՄ® ֆորտե 25000 պատիճները:

4. Հնարավոր կողմնակի ազդեցություններ:

5. Ինչպե՞ս պահպանել ՄԵԶԻՄ® ֆորտե 25000 պատիճները:

6. Փաթեթի պարունակությունն ու այլ տեղեկատվություն:

1. Ի՞նչ է իրենից ներկայացնում ՄԵԶԻՄ® ֆորտե 25000 պատիճներ դեղամիջոցը

Ի՞նչ է իրենից ներկայացնում ՄԵԶԻՄ® ֆորտե 25000 պատիճներ դեղամիջոցը

ՄԵԶԻՄ® ֆորտե 25000 պատիճները դեղամիջոց է, որում պարունակվում են են մարսողությանը նպաստող նյութեր (ֆերմենտներ), որոնք ստացված են խոզի ենթաստամոքսային գեղձից (ենթաստամոքսային գեղձի փոշին կոչվում է պանկրեատին) :

Ինչի՞ համար է օգտագործվում ՄԵԶԻՄ® ֆորտե 25000 պատիճներ դեղամիջոցը

- ՄԵԶԻՄ® ֆորտե 25000 պատիճներ դեղամիջոցը փոխարինում է մարսողական ֆերմենտները ենթաստամոքսային գեղձի կողմից արտադրվող մարսողական ֆերմենտների անբավարարության կամ բացակայության ժամանակ (ենթաստամոքսային գեղձի էկզոկրին անբավարարություն)

Եթե 7-14 օր հետո ախտանիշերը ուժեղացել են կամ եթե լավացում չեք զգում դիմեք բժշկի:

2. Ի՞նչ է պետք իմանալ ՄԵԶԻՄ® ֆորտե 25000 պատիճներն ընդունելուց առաջ

Մի՝ օգտագործեք ՄԵԶԻՄ® ֆորտե 25000 պատիճները՝

- ենթաստամոքսային գեղձի փոշու, խոզի մսի կամ տվյալ դեղամիջոցի այլ բաղադրիչների նկատմամբ ալերգիայի դեպքում (թվարկված են բաժին 6-ում),
- ենթաստամոքսային գեղձի սուր բորբոքման կամ քրոնիկական բորբոքման դեպքում հիվանդության սրման փուլում:

Այնուամենայնիվ, հիվանդության մարման փուլում սննդակարգի ընդլայնման դեպքում, եթե ենթաստամոքսային գեղձի ֆունկցիայի վատացման հատկանիշները դեռևս շարունակվում են կամ կայուն են, նպատակահարմար է դեղամիջոցի պարբերական ընդունումը:

Նախազգուշացումներ և նախազգուշական միջոցներ

ՄԵԶԻՄ® ֆորտե 25000 պատիճներ դեղամիջոցն ընդունելուց առաջ դիմեք բժշկի, դեղատան աշխատակցի՝

- Եթե Դուք նկատեք աղիքային անանցանելիություն հիշեցնող ախտանիշեր (օրինակ՝ փորացավ, աղիների աշխատանքի դադարեցում, սրտխառնոց, փսխում): Մուկովիսցիդոզով հիվանդների մոտ դա հանդիսանում է աղիքային անանցանելիության հայտնի բարդություն:
- Ստամոքսի և աղեստամոքսային տրակտի կողմից անսովոր անհանգստության առաջացման կամ ախտանիշների փոփոխության դեպքում որպես նախազգուշական միջոց անհրաժեշտ է անցնել բժշկական զննում աղիների հնարավոր ախտահարման բացառման նպատակով: Հատկապես դա վերաբերում է քաշի 1 կգ համար օրական 10000 լիպազայի միավոր ընդունող հիվանդներին:
- Տվյալ դեղամիջոցը պարունակում է ակտիվ ֆերմենտներ, որոնք բերանի խոռոչում արտազատվելով, օրինակ ծամելիս, կարող են վնասել լորձաթաղանթը (օրինակ առաջացնել բերանի լորձաթաղանթի խոցեր): Այդ պատճառով կուլ տվեք ՄԵԶԻՄ® ֆորտե 25000 պատիճներ դեղամիջոցն ամբողջությամբ:

ՄԵԶԻՄ® ֆորտե 25000 պատիճներ դեղամիջոցի ու այլ դեղամիջոցների ընդունումը

Եթե Դուք այժմ ընդունում եք, կամ ոչ վաղ անցյալում ընդունել եք կամ կարող է ընդունված լինեք ցանկացած դեղամիջոցներ, հայտնեք դրա մասին բժշկին կամ դեղատան աշխատակցին:

Ենթաստամոքսային գեղձի փոշի պարունակող պատրաստի դեղամիջոցների ընդունումը կարող է վատացնել օրգանիզմում ֆոլիաթթվի ներծծումը (ֆոլիաթթվի ներծծումը արյան մեջ), այդ պատճառով կարող է պահանջվել ֆոլիաթթվի լրացուցիչ ընդունում:

Ակարբոզայի և միզիտոլի (հակադիաբետիկ դեղամիջոցներ ներս ընդունելու համար) շաքարիջեցնող ազդեցությունը կարող է նվազել ՄԵԶԻՄ® ֆորտե 25000 պատիճների միաժամանակ ընդունման դեպքում:

Հղիություն և կրծքով կերակրման ժամանակաշրջան

Հղիության կամ կրծքով կերակրելու, ինչպես նաև հնարավոր կամ պլանավորվող հղիության դեպքում տվյալ դեղամիջոցն ընդունելուց առաջ խորհրդակցեք բժշկի կամ դեղատան աշխատակցի հետ:

Հղի կանանց մոտ ՄԵԶԻՄ® ֆորտե 25000 պատիճների կիրառման բավարար փորձ առկա չէ: Կենդանիների վրա անցկացված փորձերի հիման վրա ստացված հղիության, ներարգանդային զարգացման, ծննդաբերության ու հետծննդյան զարգացման մասին տվյալները անբավարար են: Դեղամիջոցի օգտագործելու դեպքում մարդու մոտ հնարավոր

ռիսկի առկայությունը հաստատված չէ: Հղիության և կրծքով կերակրելու դեպքում ՄԵԶԻՄ® ֆորտե 25000 պատիճներն ընդունել չի կարելի, բացառությամբ այն դեպքերի, երբ բուժող բժշկը կորոշի, որ այն բացարձակապես անհրաժեշտ է:

Ազդեցություն տրանսպորտային միջոցների կառավարման և մեխանիզմների սպասարկման ունակության վրա

ՄԵԶԻՄ® ֆորտե 25000 պատիճները չեն ազդում կամ աննշան են ազդում տրանսպորտային միջոցների կառավարման և մեխանիզմների սպասարկման ունակության վրա:

3. Ինչպե՞ս կիրառել ՄԵԶԻՄ® ֆորտե 25000 պատիճները

Միշտ ընդունեք տվյալ դեղամիջոցը սույն ներդիր-թերթիկում շարադրված հրահանգների կամ բուժող բժշկի կամ դեղատան աշխատակցի ցուցումներին համապատասխան: Եթե Դուք ինչ-որ բանում համոզված չեք, ապա դիմեք բժշկի կամ դեղատան աշխատակցի խորհրդատվությանը:

Դեղաչափում

Խորհուրդ տրվող դոզա՝

ՄԵԶԻՄ® ֆորտե 25000 պատիճներ դեղամիջոցի 1 պատիճ սննդի ընդունման ժամանակ (համապատասխանում է լիպազայի 25000 Մ Ph Eur):

Դեղաչափը որոշվում է մարսողության առկա խանգարումների ծանրությանը համապատասխան: Պահանջվող դոզան կարող է նաև նշվածից ավելի մեծ լինել:

Դոզայի ավելացումը պետք է կատարվի ախտանիշների արտահայտվածության նվազեցման նպատակով (օրինակ՝ ստեատորեա, ստամոքսացավ) և միայն բժշկի հսկողության տակ:

Կարիք չկա գերազանցել ֆերմենտների օրական չափաբաժինը, որը կազմում է լիպազայի 10000 միավոր մարմնի քաշի 1 կգ համար: Ֆերմենտների դոզան չպետք է գերազանցի ճարպերի ներծծման համար բավարար չափաբաժինը, հատկապես մուկովիսցիդոզով հիվանդների մոտ:

Կիրառումը երեխաների կողմից

Երեխաների դոզավորման որոշումը ընդունում է բժիշկը:

Կիրառման միջոցը

ՄԵԶԻՄ® ֆորտե 25000 պատիճները ուտելիս կուլ են տալիս ամբողջությամբ, խմելով բավարար քանակի հեղուկ: Այն հիվանդները, որոնք չեն ցանկանում ընդունել ամբողջ պատիճը, կարող են այն բացել, առանձնացնելով հարմար ամանի վրա, օրինակ՝ բաժակի և հետո ամբողջությամբ կուլ տալ միայն պարունակությունը փոքր քանակի հեղուկով: Եթե հիվանդի համար դժվար է ընդունել պատիճն ամբողջությամբ (օրինակ, փոքրիկ երեխաների կամ տարեց հիվանդների համար), պատիճը կարելի է բացել, կոկիկ հանելով կափարիչը, և տեղափոխել պարունակությունը (մինի-հաբեր) օրինակ բաժակի մեջ, և ներս ընդունել ոչ մեծ քանակի հեղուկով, կամ ավելացնել պատիճի պարունակությունը հեղուկ սննդին, որը պետք չէ ծամել (օրինակ խնձորի խյուսի կամ մրգահյութի մեջ): Ուտելիքի կամ հեղուկի ու մինի-հաբերի խառնուրդը չի կարելի պահել (այն անհրաժեշտ է ընդունել միանգամից պատրաստելուց հետո): Հետևեք, որպեսզի պատիճները և/կամ մինի-հաբերը կուլ տրվեն ամբողջությամբ, քանի որ ՄԵԶԻՄ® ֆորտե 25000 պատիճների արդյունավետությունը

նվազում է այն ծամելիս, իսկ դրանում պարունակվող ֆերմենտները արտազատվելուց հետո կարող են վնասել բերանի խոռոչի լորձաթաղանթը: Դրանից հետո պետք է խմել մեծ քանակի հեղուկ (ջուր կամ հյութ):

Բուժման տևողությունը

Բուժման տևողությունը սահմանափակված չէ: ՄԵԶԻՄ® ֆորտե 25000 պատիճներ դեղամիջոցի օգտագործման տևողությունը կախված է հիվանդության ընթացքից և այն որոշում է բժիշկը: Հայտնեք Ձեր բժշկին, եթե Դուք ձեզ ավելի լավ չեք զգում կամ ավելի վատ եք զգում:

Հայտնեք Ձեր բժշկին կամ դեղատան աշխատակցին, եթե Ձեզ թվում է, որ ՄԵԶԻՄ® ֆորտե 25000 պատիճներ դեղամիջոցի ազդեցությունը շատ ուժեղ է կամ թույլ:

Կիրառումը երեխաների ու դեռահասների կողմից

Դեղամիջոցի ընդունման տևողությունը երեխաների կողմից ևս սահմանվում է բժշկի կողմից:

Եթե Դուք ընդունել եք հարկ եղածից ավելի ՄԵԶԻՄ® ֆորտե 25000 պատիճներ դեղամիջոցը

Դրանից հետո խմեք մեծ քանակությամբ հեղուկ և խորհրդակցեք բուժող բժշկի կամ դեղատան աշխատակցի հետ: Շատ բարձր չափաբաժնով ենթաստամոքսային գեղձի փոշին հատկապես մուկովիսցիդոզով հիվանդների մոտ կարող է հանգեցնել արյան մեջ (հիպերուրիկեմիա) և մեզում (հիպերուրիկոզուրիա) միզաթթվի մակարդակի բարձրացմանը:

Եթե մոռացել եք ընդունել ՄԵԶԻՄ® ֆորտե 25000 պատիճներ դեղամիջոցը

Հարկավոր չէ ընդունել դեղամիջոցի կրկնակի դեղաչափ բաց թողնվածը հատուցելու համար, ուղղակի շարունակեք բուժումը խորհուրդներին համապատասխան:

ՄԵԶԻՄ® ֆորտե 25000 պատիճներ դեղամիջոցի դադարեցումը

Եթե Դուք ժամանակից շուտ դադարեցնեք ՄԵԶԻՄ® ֆորտե 25000 պատիճներ դեղամիջոցի ընդունումը կամ ընդմիջեք բուժումը, ապա շատ հավանական է, որ Ձեզ մոտ նորից առաջանան նույն ախտանիշերը: Խորհրդակցեք բուժող բժշկի հետ:

Եթե Ձեզ մոտ ծագել են դեղամիջոցն ընդունելու վերաբերյալ լրացուցիչ հարցեր, դիմեք բժշկին կամ դեղատան աշխատակցին:

4. Հնարավոր կողմնակի ազդեցություններ

Ինչպես և բոլոր դեղամիջոցները, այս դեղամիջոցը նույնպես կարող է առաջացնել կողմնակի ազդեցություն, չնայած ոչ բոլոր հիվանդների մոտ:

Եթե դուք ունեք ստորև թվարկված կողմնակի ազդեցություններից որևէ մեկը, դադարեցրեք ՄԵԶԻՄ® ֆորտե 25000 պատիճներ դեղամիջոցի ընդունումը և հնարավորության դեպքում անմիջապես դիմեք բժշկի: Նա պետք է որոշում ընդունի հետագա բուժման մասին:

Շատ հազվադեպ ծագող կողմնակի ազդեցություններ (կարող են ի հայտ գալ 10000 հիվանդից 1 մոտ)

- լուծ, անհանգստություն որովայնում, փորացավ, սրտխառնոց, փսխում,
- անմիջական տեսակի գերզգայունության ռեակցիաներ, օրինակ մաշկային ցան, եղնջացան, փոշոտոց, արցունքարտադրություն, հևոց շնչուղիների նեղացման հետևանքով (բրոնխոսպազմ), հաճախացած շնչառություն,
- ալերգիկ ռեակցիաներ մարսողական տրակտում,
- բարձր դոզաներով ենթաստամոքսային գեղձի փոշի ստացող մուկովիսցիդոզով հիվանդների մոտ նկարագրված են բարակ աղու/կույր աղու շրջանի և հաստ աղու վերընթաց լուսանցի նեղացման դեպքեր, ինչը կարող է աղիքային անանցանելիության պատճառ հանդիսանալ (տե՛ս բաժին 2 «Նախազգուշացումներ և նախազգուշական միջոցներ»):

Կողմնակի ազդեցությունների հաճախականությունը հայտնի չէ (առկա տվյալների հիման վրա գնահատման ենթակա չէ)

- մուկովիսցիդոզով հիվանդների մոտ կարող է բարձրանալ մեզի հետ միզաթթվի արտազատումը՝ հատկապես բարձր դոզաներով ենթաստամոքսային գեղձի փոշի ընդունելուց հետո: Այդ պատճառով մուկովիսցիդոզով հիվանդների բուժումը սկսելուց առաջ խորհուրդ է տրվում անցկացնել մեզի անալիզ միզաթթվի պարունակության որոշման համար, որպեսզի քարերի առաջացման ռիսկը նվազեցվի:

Հաղորդումներ կողմնակի ազդեցության մասին

Որևէ կողմնակի ազդեցության առաջացման դեպքում հայտնեք դրա մասին ձեր բժշկին, դեղատան աշխատակցին կամ բուժքրոջը: Դա վերաբերում է ցանկացած հնարավոր կողմնակի ազդեցությանը, այդ թվում նաև նրանց, որոնք նկարագրված չեն սույն ներդիր-թերթիկում:

Հայտնելով կողմնակի ազդեցության մասին, Դուք կարող եք օգնել ավելի շատ տեղեկություններ հավաքել տվյալ դեղամիջոցի անվտանգության մասին:

5. Ինչպե՞ս պահպանել ՄԵԶԻՄ® ֆորտե 25000 պատիճներ դեղամիջոցը

Պահպանել երեխաներից հեռու տեղում:

Տվյալ դեղամիջոցը չօգտագործել արտաքին տուփի և պիտակի վրա «Պիտանի է մինչև» բառերից հետո նշված պիտանիության ժամկետը լրանալուց հետո: Պիտանիության ժամկետը վերաբերում է նշված ամսվա վերջին օրվան:

Պահպանման ժամկետը

Չվնասված սրվակում 2 տարի:

Կայուն է փաթեթի առաջին բացումից հետո 6 ամսվա ընթացքում:

Պահպանման պայմանները

Պահել 25°C ոչ բարձր ջերմաստիճանում:

Ոչ մի դեղամիջոց մի՛ թափեք կոյուղու կամ կենցաղային աղբի մեջ: Ձեզ չպետքական դեղամիջոցի օգտահանման վերաբերյալ խորհրդակցեք դեղատան աշխատակցի հետ: Այդ միջոցառումները նպաստում են շրջակա միջավայրի պաշտպանությանը:

6. Փաթեթի պարունակությունն ու լրացուցիչ տեղեկատվություն ՄԵԶԻՄ® ֆորտե 25000 պատիճներ դեղամիջոցի բաղադրությունը

Ազդող նյութ՝ խոզի ենթաստամոքսային գեղձի փոշի

Աղիներում լուծվող մինի-հաբերով լցված 1 պինդ պատիճում պարունակվում է 356.1 (245.6-446.6) մգ փոշի խոզի ենթաստամոքսային գեղձից:

- լիպոլիտիկ ակտիվություն 25000 Մ Ph. Eur./պատիճ
- ամիլոլիտիկ ակտիվություն ոչ պակաս 22500 Մ Ph. Eur./պատիճ
- պրոտեոլիտիկ ակտիվություն ոչ պակաս 1 250 Մ Ph. Eur./պատիճ

Օժանդակ բաղադրիչներ՝

Կրոսկարմելոզայի նատրիումական աղ, ցելյուլոզա միկրոբյուրեղային, գերչակի հիդրոգենիզացված յուղ, սիլիցիումի դիօքսիդ կոլոիդ անջուր, մագնեզիումի ստեարատ, մետակրիլային թթվի և էթիլկրիլատի սուպոլիմեր (1:1), 30% դիսպերսիա, տալկ, եռթիլցիտրատ, սիմետիկոնի էմուլսիա 30% (չոր):

Պատիճի թաղանթ՝ ժելատին, երկաթի օքսիդ կարմիր (E172), խինոլինային դեղին (E 104), երկաթի օքսիդ կարմիր (E172), ինդիկարմին (E 132), տիտանի դիօքսիդ (E 171):

ՄԵԶԻՄ® ֆորտե 25000 պատիճներ դեղամիջոցի արտաքին տեսքը և փաթեթի պարունակությունը

ՄԵԶԻՄ® ֆորտե 25000 պատիճներ դեղամիջոցն իրենից ներկայացնում է երկարավուն պատիճներ No 0 չափի բաց գազարագույն ոչ թափանցիկ իրանով և դեղնա-կանաչավուն ոչ թափանցիկ կափարիչով, որոնք լցված են փայլուն համասեռ բաց շագանակագույն մինի-հաբերով: Պատիճները փաթեթավորում են պոլիպրոպիլենից սրվակների մեջ, որոնք փակվում են պոլիէթիլենային կափարիչներով և որպես խոնավակլանիչ պարունակում են սիլիկագելով պոլիպրոպիլենային պատիճներ: Սրվակները փաթեթավորում են ներդիր-թերթիկով արտաքին ստվարաթղթե փաթեթում (ծալվող տուփ):

Փաթեթների չափերը՝

Օրիգինալ փաթեթներ 20, 50, 100, 200 կամ 300 պատիճներով:

Վաճառքում կարող են լինել ոչ բոլոր չափսերի փաթեթներ:

Բաց թողնման պայմանները

Դեղամիջոցը բաց է թողնվում առանց դեղատոմսի:

Գրանցված հավաստագրի իրավատեր

Մենարինի ինտերնեշնլ օպերեյշնլ Լյուքսեմբուրգ Ս. Ա.

Ավենյու դե լա Գար

1611 Լյուքսեմբուրգ

Լյուքսեմբուրգ

Արտադրողը՝

Ադեր Ֆարմապյուտիքլս Ս. ռ. լ.

Վիա Մարտին Լյուտեր Քինգ 1320060 Պեսանո-կոն-Բորգանո (Միլան)

Փաթեթավորող՝

Արտեզան Ֆարմա ՍՊԸ ԿԳ

Ալբրեխտ Տաեր շտրասե 9

29439 Լյուխով

Գերմանիա

Մերիաի բացթողում՝

Բեռլին-Խեմի ԱԳ

Գլինիկեր Վեգ 125

12489 Բեռլին

Գերմանիա

Լիագոր ներկայացուցիչ

Բեռլին-Խեմի ԱԳ

Գլինիկեր Վեգ 125

12489 Բեռլին

Գերմանիա

Ներդիր-թերթիկի վերջին խմբագրության ամսաթիվը՝ 03/2021թ.: